



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 20. De mittendis Sociis deliberatur.

urn:nbn:de:hbz:466:1-38528

Catholici imperata facturos. Interim Didacus Torres Provincialis Horatium Bechium & Martinum Arandam, linguae peritos, ē regni metropoli, ubi constitutis, ad Conceptionis urbem Ludovico Valdiviæ miserat, eorum operâ ad hostes conciliandos pro opportunitate usuro.

FINITIMIS conciliatis, lubuit eorum animos tentare, qui terra interiora habitant. Chileni rebelles in variis distracti factiones, tot duces habent, quod regiones: ad quos Alfonsus Ribera Prætor & Ludovicus Valdiviæ nuntios mittentes, à plerisque pacis responsa recipiebant. Inter hos, qui se pacis conditionibus non inclinabant, dolum subesse arbitrantur, præcipui erant Aínavilla & Aganamon, neenon Utablame, maximarum factiorum duces. Hic Liecuræis, illi Purenis imperitabant. Aganamon tamen, datâ utrimque fide, cum Valdivia, Bechio & Aranda collocutus, visis Regis Catholici diplomatis, ita permotus est, ut ad reliquæ gentis conciliandos animos ultrò ad remota popularium suorum oppida le contulerit: apud quos dum serio pacis negotium urget, occasione absentiæ Hispana mulier, captiva Aganamoni pellex, cum duabus prolibus, & Barbaræ duæ ejusdem etiam concubinæ, suo utentes jure, ad Hispanorum castrum configentes, magnos motus excitavere. Nam ubi Barbaro fuga pellicum suarum innotuit, & frustra eas, quod Christianæ essent, ab Hispanis reposceret, negantibus Sociis id fieri posse, dissimulato furore, nihilominus in pacis negotio in speciem persistens, vindictam dolosè machinabatur. Interim dum hæc cum Purenis geruntur, Ludovicus Valdiviæ Utablame Liecuræorum duci filium, apud Hispanos dudum captivum, libertate donatum dono misit, rogans ut secum & cum Prætore Regio vellet colloqui. Beneficium aestimavit Barbarus, venitque cum sexaginta factionis suæ Casquis ad castrum Paicavim, ubi eos præstolabatur regni Prætor, & Valdivia cum Sociis. Præcedebant quindecim gentis Sacerdotes in talari veste ramum cinnami manu, & capite pileos algâ marinâ, pro suo more in signum pacis, redimitos gestantes. Simul ac Barbatî ad Hispanorum arces venire, sic ex abrupto Utablame, septuaginta atinorum senex, Ludovicum Valdiviam in limine obvium breviter alloquutus fertur. *Non, inquit, armorum pavor, aut Hispanorum vires, ad pacisendum me adiungunt, qui ab ineunte atate militia Præfetus, sex-decim omnino Chileni regni Prætores sibi invicem subsequentes, jam inde ab Villagrano, non tantum fatigavi, sed etiam insignibus cladiibus affeci. Sed tuum me beneficium, o Pater magne, restituto filio, & Regis Catholici clementia, ultrò bonas conditiones offerentis, ad pacem trahit.* Hæc ferocij, quâm urbano similior cùm dixisset, ad Prætorem introducitur. Prætor, ne ostentatione virium exacerbaret Barbaros, in adventu Utablame vetuit tormenta explodi, & sede æquans se Barbaro, postulat quibus conditionibus vellet pacem fieri: cùm respondisset, placere sibi eas, quas Valdivia scriptas à Rege attulerat, dummodo Sancti Hieronymi castrum, quod in finibus Hispani construxerant, destrueretur, & Aganamoni duæ saltæ fugitivæ restituerentur, Societasque suarum animarum curam susciperet: illicè Prætor per interpretem pronunciari jubet, placere eti sibi, postquam cæteræ factiores in pacis conditiones consenserint, S. Hieronymi castrum destrui: Aganamoni filiam Ethnicam restitui posse, pellices & filiam Christianas reddi non posse. Denique cùm Valdivia asseverasset, se Sociosque omnes totius gentis salutem lubentissime impensuros, Utablame, Liecuræorum & Purenorum, quorum nuncii aderant, nomine, ramum cinnami in signum pacis Prætori offert, vicissimque alterum à Prætore & pretiosa dona recipit. Sic inter mutuos amplexus & acclamations solemnî formâ, ipso Conceptionis Virginis MARIAE die, in arce Paicavi, admittente Ludovico Valdiviâ, pax Liecuræos inter & Hispanos promulgata est.

PACE Sancita, Utablame volebat IESU Socios ad interiora regni statim secum pergere, ut reliquias rebellium factiones iisdem conditionibus Regi Catholico conciliarent. Sed clam in secreto confessu præclarè ab nostris disceptatum est, num id conducibile foret. Disflasores exaggerabant Barbarorum ferocitatem, &

CAPUT

XIX.
Ludovicus
Valdiviæ in-
terioris po-
pulos cum
Prætore pa-
cificat.

Rebellium
duces.

Aganamon
colloquatur.

Eius polices
fugient.

Utablame do-
pacis condi-
tionibus a-
ctuaria venit.

Utablame
superbia.

Alfonsi Ri-
bera Præ-
toris modestia

Pacis condi-
tiones.

Pax concul-
ditur.

CAPUT
XX.
De mittendis
Sociis
delibera-
tor.
Diffusorum
rationes.

ipsius Utablamæ pertinax in Hispanos odium, adeò notabile, ut medio fermè seculo de uxorum & filiorum suorum captivorum redemptione, cum nostris duabus agere noluerit, ne commercium cum Hispanis quoquo modo habere videtur. Addebat, præcipitatione spem optimam corrumpi posse. Non statim fidendum Barbaris, sed fidem eorum tempore probandum. Aganamonis negotium nondum maturum esse. Nondum finitos omnes paci assentisse. Cataraianorum aliquot, post Valdiviæ colloquium, ad interiores populos confugisse, sparsissime famam, quod dolose Hispani pacem vellent. Denique, in tantâ Sociorum JESV paucitate, è Republicâ bono non videri, si viri selectissimi tanto discrimini exponerentur. Contrà, Valdivia, accrimus pacis conciliator, quamvis periculum esse non diffiteretur, Socios statim mittendos arbitrabatur, aiens, ad Cataraianorum confessum se sine comitatu & damno ivisse. Utablamem ultrò sine armis ad armatum colloquium venisse, beneficium manumissi filii estimasse, pacem cum suis factionis primoribus palam jurasse, Societatem JESU petuisse, securitatem spondisse; si nimirum scrupulositate pericula rerum humanarum perpendantur, nusquam heroicis facinoribus locum fore. Id denum Jesuiticum esse, discriminibus caput offerre, dum salus hominum, aut insignis Dei gloria ageretur. Nobilissimas matronas & puellas dudum captivas, in media Barbarie, supplices Societati tendere manus, ut crepræ turpissimorum mortali libidini, restituant patriæ, maritis, parentibus, & avitæ Religionis templis. Barbaris confidentiam ostendandam esse, ne ipsi etiam diffidere incipientes corrumpant optima principia. Ad eos se, ut nuper ad Cataraianos, lubenter iturum, nî officii sui negotiis destineretur. Denique à Didaco Torres Arandam & Bechium, nuper ad se missos, ut in rebellium fines delati Regem Catholicum insigni aliquo beneficio demererentur, & Evangelii viam aut sermone, aut fuso sanguine sternerent. Hæc Valdivia, cui Prætor, laudata Societate, quod tanto periculo se objectum iret, assensit.

CAPUT

XXI.
Martini A-
randa, Horatius
Bechius &
Didacus
Montalvan-
nus ma-
cta-
tur.

Valdivia So-
ciis valedi-
cit;
Et Prætor.

Socii à li-
cenciaris re-
cipiuntur.

Ab Agana-
moni occi-
duuntur.

CAPUT
XXII.
Martini A-
randa vita.

DECRETA missione, dici vix potest, quantis lætitias exilierint Horatius Bechius & Martinus Aranda, tanta fortis compotes: quare ille, litteris ad Didacum Torres missis, immensas gratias dedit, quod se potissimum tantæ rei exhibuisset. Dum ambo è regni metropoli abirent Sociis valedicentes, se amplius invicem non revisuros, prælagiendo, disertis verbis asseruere. Nonâ Decembri, peracto Sacrificio, uterque cum Didaco Montalvanolaco, nuper in Societatem assumpto, Utablamæ traduntur ducendi. Abeunt Ludovicus Valdivia monuit, ut se egregio facinore Societati commendarent. Prætor cum cohortibus Regiis & frequenti nobilitate diu extra castrum honoris ergo prosequutus, non prius rediit, quam omnium oculis se subduxissent. Iabant per abrupta montium & anfractus viarum, donec ad Utablamæ oppidum venirent: ibi eos statim convenere è Purenis multi Casiqui, tantâ ostentatione benevolentiae, ut pacis generale negotium planè confectum putaretur. Alterâ die litteras ad Valdiviam dedere, quibus ex animi sententia fluere omnia nupciabant, sequente tam tutos esse, quam si Toleti forent: & aliis litteris monabant, missos jam esse nuncios ad singulas Barbarorum factiones, ut ad conductum generalē colloquium gentis Primores convenirent, spemque proximam esse firmandas pacis. Sed quinto postquam à Prætore discesserant die, Aganamon cum numeroſo perduellum equitatu' Licouram inventus, nequicquam cum suis municipiis reluctante Utablamæ, occisis aliquot Ullmenis paci faventibus, ferociter exprobrans pellicum suarum detentionem, in Socios nihil reluctantes invovat, opprimitque. Omnibus capita primùm clavis contusa sunt, mox variè macharis & lanceis lœvitum in corpora. Sic gloriösi pugiles, quod negassent pellices Barbaro reddi posse, debitam pretiosa morti coronam decimâ quartâ Decembri anno millesimo sexcentesimo duodecimo adepti sunt.

MARTINUM Arandam, Villaricæ ab rebellibus destruxerunt, in Chileno reno natum, commendabat sanguinis nobilitas, quâ proximè Ludovicum Valdiviam attingebat. Is in patria diu honorarius miles turmæ equitum præfetus

arma